



Broj: 02-05-33121-1/15
Sarajevo, 28.12.2015. godine

Zastupnicima Skupštine Kantona Sarajevo

PREDMET: Stavovi na amandmane zastupnika u Skupštini Kantona Sarajevo po materijalima koji se nalaze na dnevnom redu **10.** Radne sjednice Skupštine Kantona Sarajevo

Na **26.** sjednici Vlade Kantona Sarajevo održanoj **28.12.2015.** godine, a u funkciji pripreme **10.** Radne sjednice Skupštine Kantona Sarajevo, razmatrani su amandmani zastupnika Skupštine Kantona Sarajevo po materijalima koji se nalaze na dnevnom redu navedene sjednice, i to:

- Amandman Kluba zastupnika BOSS - Nermina Bjelaka
- Amandman zastupnice SDP BiH Segmedine Srna – Bajramović
- Amandman zastupnika Hameda Aljovića
- Stavovi na Izvještaj Komisije za prostorno uređenje, stambeno-komunalnu politiku, infrastrukturu i zaštitu okoliša Skupštine Kantona Sarajevo.

Nakon razmatranja amandmana zastupnika Skupštine Kantona Sarajevo, Vlada Kantona Sarajevo zauzela je sljedeće

S T A V O V E

1. Klub Zastupnika BOSS – Nermin Bjelak zastupnik u Skupštini Kantona Sarajevo

1.1. Na Prijedlog Budžeta Kantona Sarajevo za 2016. godine, podnosi sljedeći:

AMANDMAN I

Prijedlog se odnosi na prihodovnu stranu J.U. Gerentološki centar kojoj predlažemo da se za 2016. god. izdvoji za sufinansiranje materijalni troškova umjesto 300.000 KM---cod--614300 poveća na 350.000 KM tj. da se za 50.000 KM smanji sa koda 613000 izdaci za materijal i usluge i poveća kod 614300 za sufinansiranje materijalnih troškova Gerentološkog Centra.

Obrazloženje:

Potrebno je da se povećaju izdvajanja sredstava, a u cilju ulaganja u održavanje objekata i opreme u toku 2016. god., sve u cilju održavanja istih u funkcionalnom stanju, poboljšanja estetskog izgleda i higijenski sanitarnih uslova unutar smještajnih kapaciteta, a sve sa ciljem održanja dostignutog kvaliteta usluga, što je od suštinske važnosti za dalji rad i normalno funkcionisanje ove Ustanove.

Naglašavam da u prošlom periodu nisu vršena obnavljanja, odnosno rekonstrukcija dotrajale

opreme. Ova ustanova u toku tekuće godine nastoji da mjerama štednje gdje je god moguće, ne ugrožava nivo dostignutih i očekivanih usluga izvrši najnužnije radove opravke i time da ta skromna sredstva uloži na adekvatan način u održavanje objekata, što i činimo u toku tekuće godine.

Najnužnija ulaganja su: Zamjena vanjske stolarije, šest spratova, Vatrodojava po korisničkim sobama, Nabavka veš mašine profesionalne, Zamjena dotrajali drvenih kreveta itd itd.

Stav predlagača:

Amandman se prihvata.

O b r a z l o ž e n j e

Umanjuje se pozicija sa razdjela 23010001 613900 Ugovorene i druge posebne usluge za iznos od 50.000 KM i povećava se pozicija unutar razdjela 23010001 613400 NAN025 pozicija Sufinansiranje materijalnih troškova i podrška radu KJU Gerentološki centar.

2. Klub zastupnika SDP BiH – Segmedina Srna – Bajramović zastupnica u Skupštini Kantona Sarajevo

2.1. Na Prijedlog Budžeta Kantona Sarajevo za 2016. godine, podnosi sljedeće:

AMANDMAN I

Naknade, takse i prihod od sopstvenih djelatnosti povećali za minimalno 15.100.000 KM i to u dijelovima naplate naknada za parkirišta, korištenje prirodnih resursa, korištenje površinskih i podzemnih voda za industrijske procese, korištenje šuma, veterinarske usluge i sanitarne preglede.

Obrazloženje:

Usvojenim Izmjenama i dopunama Budžeta Kantona Sarajevo za 2015 . godinu (Službene novine Kantona Sarajevo 35/15) utvrđena su sredstva u iznosu od 75.205.300 KM u dijelu prihoda-ekonomski kod 722000, dok su u Nacrtu Budžeta za 2016. godinu prihodi po istom osnovu su umanjena za 15.130.300 KM. Obzirom da ni jedna vrijednost taksi i naknada za naredni period nije umanjenn niti se njihovo umanjenje predviđa, predlažemo da se Nacrtom Budžeta predvidi priliv navedenih 15.130.300,00 KM po razredima i razdjelima sredstava na nivou rebalansa za 2015. godinu.

Stav predlagača:

Amandman se ne prihvata.

O b r a z l o ž e n j e

Sredstva sa pozicija naknade, takse i prihodi od sopstvenih djelatnosti su u 2016. godini u odnosu na Izmjene i dopune Budžeta KS za 2015. godinu su umanjena iz razloga što se odnose na razgraničene prihode iz 2014. godine u 2015. godinu. Razgraničenja iz 2015. godine u 2016. godinu bit će poznata po izradi završnog računa i naknadno će se uvrstiti u Budžet za 2016. godinu, odlukom Vlade KS.

AMANDMAN II

Da se u svim glavama i potrošnim jedinicama ekonomskog koda 611000 (plaće i naknade troškova zaposlenih), a gdje nije došlo do novog zapošljavanja, predviđeni iznosi umanje i vrate na iznose iz 2015.

Obrazloženje:

Uočili smo da su kod određenih ministarstava sredstva predviđena za plaće i naknade zaposlenih veće u odnosu na 2015., mada nije predviđeno novo zapošljavanje.

Stav predlagača:

Amandman se ne prihvata.

O b r a z l o ž e n j e

Plaće i naknade troškova zaposlenih su za sve budžetske korisnike planirane su u skladu sa postojećim koeficijentima, radnim stažom, kao i ostalim potrebnim naknadama troškova zaposlenih.

AMANDMAN III

Da se u Osnovnom obrazovanju, ekonomski kod 611000 plaće naknade zaposlenih poveća za 4.500.000,00 KM sa uvećanog koda takse i prihodi od sopstvenih djelatnosti.

Obrazloženje:

Uočili smo da je izdatak za plaće i naknade uposlenih u osnovnom obrazovanju umanjen za 4.500.000,00 KM, odnosno da se predviđa umanjenje broja zaposlenih za 280. Kako smo iz politika pozicije i ekspozea premjera uočili, isti su se zalagali za poboljšanje uslova u obrazovanju, naročito osnovnog obrazovanja u KS.

Stoga nam nije jasno kako je moguće izvesti poboljšanje obrazovanja uz umanjenje broja uposlenih i to za drastičnih 280. Uočili smo također da se u Informaciji o ispunjenosti uvjeta rada osnovnih škola u Kantonu Sarajevo, koja je Skupštini Kantona Sarajevo na znanje dostavljena u okviru Sedme sjednice, predlaže se smanjenje broja odjeljenja u osnovnim školama i povećanje broja učenika u odjeljenjima ua 32. Što bi broj od 7 osnovnih škola u općinama Stari Grad i Centar, (pozivajući se na odredbe Pedagoških standarda i normativa) koje "ne ispunjavaju uslove za postojanje kao samostalni subjekti" povećalo na čak 9.

Time bi se po stavovima Ministarstva ispunili uslovi za "racionalizaciju" u osnovnom obrazovanju i to raskidima ugovora i umanjivanjem prava radnika u osnovnom obrazovanju, te stekli uslovi za UŠTEDE.

Stav predlagača:

Amandman se ne prihvata.

O b r a z l o ž e n j e

Umanjenje sredstava naknada, taksi i prihoda od sopstvenih djelatnosti, obrazloženo je u odgovoru na Amandman I i ovo povećanje nije moguće.

AMANDMAN IV

Povećati fond Transfer za Nauku, Istraživanje i nauku na 1.5% planiranog Budžeta KS i on bi trebao obuhvatiti sve IR projekte i sve naučne programe koji bi se realizirali u okviru Univerziteta KS-a.

Obrazloženje:

Obrazovanje odnosno nauka svudaje najjači resurs iz kojeg proističe svaka stabilnost jeduog društva. U okruženju, a i šire, više se izdvaja za nauku nego kod nas. Odnos prema nauci i obrazovanju mora biti vizionarski i promijeniti svijest prema ovoj veoma važnoj oblasti. Fond za

IIR (istraživanje i razvoj), predložen u iznosu nešto većem od 5 miliona ili cca 0.75% budžeta i sa trendom blagog smanjenja za 2017. i 2018. god.

Stav predlagača:

Amandman se ne prihvata.

O b r a z l o ž e n j e

Efikasno upravljanje troškovima ustanova nauke koje se finansiraju kroz transfer nauke mogu će je jedino uvrštavanjem ustanova nauke u trezorsko poslovanje. U ovom momentu zbog nedostatka sredstava nije moguće uvećanje ove pozicije.

AMANDMAN V

Uvrstiti stavku u Budžet KS "Finansiranje općinskih Vijeća mladih" u ukupnom iznosu od 12.000,00 KM, podjednako raspoređen, ka svim općinskim Vijećima mladih u KS.

Obrazloženje:

Smatramo da je ovo minimalni iznos koji je neophodan da se pokriju troškovi funkcionisanja Vijeća mladih. Napominjemo da je finansiranje osnovnih troškova za krovne omladinske organizacije koje objedinjuju rad svih omladinskih organizacija, na kantonalnim i općinskim nivoima, obaveza u skladu sa postojećim Zakonom o mladima Federacije Bosne i Hercegovine «Službene novine Federacije BiH», broj 36/10 116. 6. 201 O./.. Mišljenja smo da je ovo minimalan iznos za funkcionisanje trenutno 4 aktivna općinska Vijeća mladih, čiji je rad neophodan za formiranje Vijeća mladih Kantona Sarajevo.

Stav predlagača:

Amandman se ne prihvata.

O b r a z l o ž e n j e

Kad se formira navedeno Vijeće razmatrat će se i finansiranje istog.

AMANDMAN VI

U dijelu za neprofitne organizacije dodati novi ekonomski kod "transferi neprofitnim organizacijama koje se bave pitanjima ekonomskog osnaživanja žena i mladih".

Iz Raz 18 Glava 01 Potr. Jed. 0001 Ekonomski kod 614300 Sub analitika IAN 0029 Funkcija 047 Podrška Agenciji za privatizaciju Kantona Sarajevo da se izdvoje sredstva u iznosu 10% ili 35.000 KM kako bi se formirao novi ekonomski kod "neprofitne organizacije za ekonomsko osnaživanje žena i mladih".

Obrazloženje:

Sveobuhvatni cilj ovog granta je osnaživanje nezaposlenih mladih žena pri aktivnom uključivanju na tržište rada sistem podrške zapošljavanju i samozapošljavanju dugoročno nezaposlenih i manje obrazovanih mladih, podršku mladima u stjecanju znanja i vještina koje će im omogućiti socijalnu koheziju i razvoj međusobne solidarnosti, ponuditi mladima (posebno mladim ženama kojima prijeti socijalna isključenost) pristup informacijama te podršku/mentorstvo u njihovu socijalnom i ekonomskom razvoju.

Kroz ovaj grant se kreira osnova za socijalnu i ekonomsku inkluziju dugoročno nezaposlenih i manje obrazovanih mladih kojima prijeti socijalna isključenost, kreiramo društvenu klimu za razvoj poduzetništva s naglaskom na poduzetništvo žena i mladih, putem kojih je, povećan ekonomski razvoj ruralnih područja.

Također se kreira baza podataka o mogućnostima i proizvodima mladih, te omogućuje njihovo povezivanje u daljnjem prijenosu znanja i vještina, poboljšanju njihovih proizvoda i usluga, zajednička ulaganja i nastupe na tržištu, kao i promicanje uloge mladih, posebno mladih žena, u ekonomskom i društvenom razvoju područja.

S obzirom da u Budžetu za 2016. godinu nisu planirana sredstva za rad neprofitnih organizacija iz oblasti prava žena i mladih, smatramo da stavka Budžeta koja se odnosi na Raz 18 Glava 01 Potr.Jed. 0001 Ekonomski kod 614300 Sub analitika IAN 0029 Funkcija 047 može iskoristiti u ovu svrhu jer se Agencija za privatizaciju finansira i iz drugih izvora.

Stav predlagača:

Amandman se ne prihvata.

O b r a z l o ž e n j e

Transferi neprofitnim organizacijama izvršavaju se na osnovu javnog poziva za određenu godinu (za 2016. u toku 2016. godine) u okviru resora kojem pripadaju, putem kojeg se odabiru neprofitne organizacije. Trenutno, zbog nedostatka sredstava nije moguće uvrstiti traženu poziciju.

AMANDMAN VII

FORMIRANJE FORUMA SIGURNOSTI

U Budžetu je neophodno izdvojiti sredstva za formiranje tijela za djelovanje i unapređenje sigurnosne situacije u Kantonu Sarajevo.

raz Raz 18 Glava 01 Potro.Jed. 0001 Ekonomski kod 614300 Sub analitika IAN 0029 Funkcija 047 Podrška Agenciji za privatizaciju Kantona Sarajevo izdvoje sredstva u iznosu 1 % ili 3.500 KM kako bi novi ekonomski kod za formiranje tijela Forum sigurnosti.

Obrazloženje:

Pored ekonomske nesigurnosti kroz stalna poskupljenja komunalnih usluga i troškova života u Kantonu, posljednji period svjedoci smo enormnog porasta krivičnih djela oružanih pljački, paljevina, uništavanja tuđe imovine, krađe automobila, svakodnevnog pucanja iz vatrenog oružja na sarajevskim ulicama.

Neophodna je izgradnja zajedničke odgovornosti za lokalnu sigurnosnu situaciju kroz primjenu preventivnih mjera i aktivnosti koja može u značajnom smislu unaprijediti život i razvoj lokalne zajednice u području sigurnosti, čime ona ostvaruje sve druge aspekte suvremenog razvoja u području gospodarstva, socijalnih odnosa, političkog razvoja, sigurnosti okoliša. Imajući u vidu navedeno potrebno formirati tijelo koje će se baviti ovim pitanjima i predlagati preventivne mjere.

S obzirom da nema stavke predviđene za ovu svrhu može se iskoristiti Raz 18 Glava 01 Potr. Jed.0001 Ekonomski kod 614300 Sub analitika IAN 0029 Funkcija 047 jer se Agencija za privatizaciju finansira i iz drugih izvora.

Stav predlagača:

Amandman se ne prihvata.

O b r a z l o ž e n j e

Unutar razdjela Ministarstva unutrašnjih poslova postoji niz aktivnosti na rješavanju unapređenja sigurnosne situacije u Kantonu Sarajevo.

3. Zastupnik u Skupštini Kantona Sarajevo Hamed Aljović

3.1. Na Prijedlog Budžeta Kantona Sarajevo za 2016. godine, podnosi sljedeće:

AMANDMAN I

Na ekonomskom kodu 611 100 091 - Bruto plaće i naknade (Osnovno obrazovanje) umjesto prijedlogom planiranih 74.717.900 KM, iznos smanjiti na 73.717.900 KM.

Obrazloženje:

Prema Prijedlogu, povjerenicima sindikata u osnovnim školama u Kantonu Sarajevo će se na ime angažmana u sindikatu (povjerenik sindikata u školi) iz ove budžetske stavke, isplaćivali iznos od $\frac{1}{4}$, a kantonalnom sindikalnom predsjedniku $\frac{1}{2}$ nastavničke (profesorske) plate.

Sindikata je organizacija civilnog društva i Ministarstvo, odnosno Kanton Sarajevo, nema zakonsku obavezu da finansira bilo koje povjerenike i aktiviste organizacija civilnog društva pa u konkretnom slučaju i sindikata (osim ukoliko se radi o konkretnim odobrenim projektima).

Naprotiv, organizacije civilnog društva (u koje spada i sindikat) obuhvataju prostor između države, porodice i biznis sektora i u suprotnosti je sa njihovim civilnim angažmanom da su njihovi članovi plaćeni iz javnog budžeta (Budžeta KS), ukoliko se ne radi (što u ovom slučaju nije riječ) o odobroj projektnoj aktivnosti.

Uposlenici osnovnih škola trebaju biti samo plaćeni za svoj rad u nastavnom procesu, a njihovoo je pravo da li će biti ili ne članovi sindikata ili nekog drugog udruženja na volonterskoj ili drugoj zakonom dozvoljenoj osnovi.

Usvajanjem ovog Amandmana na ovoj stavci bi se uštedjelo 1.000.000 KM.

Stav predlagača:

Amandman se ne prihvata.

O b r a z l o ž e n j e

Plaće i naknade troškova zaposlenih su za sve budžetske korisnike planirane su u skladu sa postojećim koeficijentima, radnim stažom, kao i ostalim potrebnim naknadama troškova zaposlenih.

AMANDMAN II

Na ekonomskom kodu 812200 - Izdaci za nabavku građevina uvrstiti budžetsku stavku - Izgradnja fiskulturne sale u JU "Sedma osnovna škola" na Ilidži u iznosu 1.000.000 KM.

Obrazloženje:

Usvajanjem ovog Amandmana i realizacijom Budžeta u potpunosti bi se izgradila fiskulturna sala u JU "Sedma osnovna škola" Ilidža.

Ne treba uopće naglašavati koji nedostatak predstavlja, nepostojanje fiskulturne sale u Osnovnoj školi koju pohađa 700 učenika.

Za izgradnju fiskulturne sale već postoji izrađen Glavni projekat.

Stav predlagača:

Amandman se ne prihvata.

O b r a z l o ž e n j e

S obzirom na nemogućnost umanjenje sredstava predloženih u Amandmanu I, nije moguće prihvatiti povećanje predloženo u ovom amandmanu.

AMANDMAN III

Na ekonomskom kodu 611100 092 - Bruto plaće i naknade (Srednje obrazovanje) umjesto prijedlogom planiranih 38.544.300 KM, iznos smanjiti na 38.044.300 KM.

Obrazloženje:

Prema Prijedlogu iz ove budžetske stavke se povjerenicima sindikata u srednjim školama u Kantonu Sarajevo na ime angažmana u sindikatu (povjereniku sindikata u školi) isplaćuje iznos od $\frac{1}{4}$, a kantonalnom sindikalnom predsjedniku $\frac{1}{2}$ nastavničke (profesorske) plate. Sindikat je organizacija civilnog društva i Ministarstvo odnosno Kanton Sarajevo nema zakonsku obavezu (a čak je i suprotno zakonu) da finansira bilo koje povjerenike i aktivističke organizacije civilnog društva, pa u konkretnom slučaju i sindikata (osim ukoliko se radi o konkretnim odobrenim projektima).

Organizacije civilnog društva (u koje spada i sindikat) obuhvataju prostor između države, porodice i biznis sektora i u suprotnosti je sa njihovim civilnim angažmanom da su njihovi članovi plaćeni iz javnog budžeta (Budžeta KS) ukoliko se ne radi (što u ovom slučaju nije riječ) o odobroj projektnoj aktivnosti.

Uposlenici srednjih škola trebaju biti samo plaćeni za svoj rad u nastavnom procesu, a njihovo je pravo da li će biti ili ne članovi sindikata ili nekog drugog udruženja na volonterskoj ili drugoj zakonom dozvoljenoj osnovi.

Skupština i Vlada su radi ušteda uložile velike napore na smanjivanju naknada članovima upravnih i nadzornih odbora u javnim preduzećima u Kantonu Sarajevo, a ovim Prijedlogom, nepotrebno i protivcivilno izdvajaju se naknade za sindikalne povjerenike u iznosu od 500.000 KM.

Stav predlagača:

Amandman se ne prihvata.

O b r a z l o ž e n j e

Plaće i naknade troškova zaposlenih su za sve budžetske korisnike planirane su u skladu sa postojećim koeficijentima, radnim stažom, kao i ostalim potrebnim naknadama troškova zaposlenih.

AMANDMAN IV

Na ekonomskom kodu 614400 WA 0012 052 - JKP "Trnovo" umjesto Prijedlogom planiranih 100.000 KM, iznos povećati na 250.000 KM.

Obrazloženje:

JKP "Trnovo" d.o.o, Trnovo ima u nadležnosti 22 vodovodna sistema (5 pumpnih i 17 gravitacionih), od toga 53 rezervoara i 34 kapitaže i 44 izvorišta na površini od 337 km² i 56 naseljenih mjesta.

Pored troškova redovnog održavanja vodnih objekata u što spadaju: čišćenje, vanjsko uređenje, hlorisanje, održavanje pumpnih stanica, održavanje hlorinatora, održavanje ograda i sl. značajna sredstva se izdvajaju na energiju, održavanje vozila, a posebno na gorivo zbog velikih udaljenosti između naseljenih mjesta.

Planirani iznos sredstava za ovu namjenu je apsolutno nedovoljan, između ostalog i zbog loše naplate vode što je nastalo kao posljedica neugrađenih vodomjera.

Planirana sredstva JKP "Trnovo" d.o.o. Trnovo ima namjeru uložiti u ugradnju vodomjera, kako bi preduzeće posliglo svoju veću samoodrživost i zbog toga ulažem ovaj Amandman.

Stav predlagača:
Amandman se ne prihvata.

O b r a z l o ž e n j e

Amandman je nepotpun jer se ne predlaže smanjenje drugih rashoda i izdataka sa kojih će se obezbijediti sredstva za ovu namjenu.

Amandmanom Vlade će se obezbijediti dodatnih 60.000 KM za ovu namjenu i to preraspodjelom unutar razdjela Ministarstva komunalne privrede i infrastrukture.

AMANDMAN V

Na ekonomskom kodu 414300 JAN 001, 041 Transjer neprofitnim organizacijama - SERDA, umjesto prijedlogom planiranih 400,000 KM, iznos smanjiti na 200.000 KM.

Obrazloženje:

Smatram da su sredstva u iznosu od 200,000,00 KM za ovu agenciju sasvim dovoljna. Pored predviđenih sredstava u ovom Prijedlogu, SERDA se finansira i iz budžeta jedinica lokalne samouprave sa teritorije koju obuhvatu.

Obzirom da se radi o neprofitnoj agenciji sredstva za realizaciju svojih projekata može obezbijediti i iz donatorskih sredstava, prije svega dostupnih fondova EU kojih je svakim danom sve više.

Također, karakter organizacije je takav da dio sredstava za realizaciju svojih projekata može obezbijediti od Sektora za biznis.

Stav predlagača:
Amandman se ne prihvata.

O b r a z l o ž e n j e

Amandman je nepotpun jer se ne predlaže povećanje drugih rashoda i izdataka sa koje će se ova sredstva koristiti.

AMANDMAN VI

Na ekonomskom kodu 414300 JAN 001, 041 Transjer neprofitnim organizacijama - SERDA, umjesto prijedlogom planiranih 400,000 KM, iznos smanjiti na 200.000 KM.

Obrazloženje:

Smatram da su sredstva u iznosu od 200,000,00 KM za ovu agenciju sasvim dovoljna. Pored predviđenih sredstava u ovom Prijedlogu, SERDA se finansira i iz budžeta jedinica lokalne samouprave sa teritorije koju obuhvatu.

Obzirom da se radi o neprofitnoj agenciji sredstva za realizaciju svojih projekata može obezbijediti i iz donatorskih sredstava, prije svega dostupnih fondova EU kojih je svakim danom sve više.

Također, karakter organizacije je takav da dio sredstava za realizaciju svojih projekata može obezbijediti od Sektora za biznis.

Stav predlagača:
Amandman se ne prihvata.

O b r a z l o ž e n j e

Amandman je nepotpun jer se ne predlaže povećanje drugih rashoda i izdataka sa koje će se ova sredstva koristiti. Radi zadovoljavanja procedure amandman je uvršten iako je u potpunosti isti kao Amandman VI.

AMANDMAN VII

Na ekonomskom kodu 414400 091 Nabavka materijala - J U "Djeca Sarajeva", umjesto prijedlogom planiranih 712.500 KM, iznos povećati na 900.000 KM.

Obrazloženje:

Smatram nedopustivim i necivilizovanim da djeca u Kantonu Sarajevu, koja koriste usluge JU „Djeca Sarajeva“ nemaju dovoljno osnovnih sredstva za edukaciju kako što su papir i olovka, pa su roditelji djece prinuđeni da se samoorganizuju i svojoj djeci koja idu u vrtiće JU "Djeca Sarajeva" mjesečno kupuju neophodan materijal.

Kao ljudi, roditelji i kao poslanici u Skupštini Kantona Sarajevo, ne smijemo štedjeti na djeci niti na nabavci papira i olovaka za njihove potrebe i zbog toga predlažem ovaj Amandman.

Stav predlagača:

Amandman se ne prihvata.

O b r a z l o ž e n j e

Amandman je nepotpun jer se ne predlaže smanjenje drugih rashoda i izdataka sa kojih će se obezbijediti sredstva za ovu namjenu.

Ministarstvo za obrazovanje, nauku i mlade će u slučaju potrebe za navedenim obezbijediti sredstva unutar svog razdjela u skladu sa Zakonom o izvršavanju Budžeta Kantona Sarajevo za 2016. godinu.

AMANDMAN VIII

Na ekonomskom kodu 614300 nov 097 - „Škola u prirodi" umjesto prijedlogom planiranih 155.400 KM, iznos povećati na 200.000 KM.

Obrazloženje:

Smatram da bi povećanje iznosa sredstava u Budžetu Kantona Sarajevo za 2016. godinu za „Školu u prirodi“ imalo višestruku korist za Kanton Sarajevo. Između ostalog, smanjio bi se i broj maloljetničke delikvencije u Kantonu Sarajevo, jer sredstva potrošena na edukaciju predstavljaju ujedno prevenciju maloljetničke delikvencije i zbog toga predlažem ovaj Amandman.

Stav predlagača:

Amandman se ne prihvata.

O b r a z l o ž e n j e

Amandman je nepotpun jer se ne predlaže smanjenje drugih rashoda i izdataka sa kojih će se obezbijediti sredstva za ovu namjenu.

Zbog nedostatka sredstava nije moguće prihvatiti predloženi amandman.

AMANDMAN IX

Na ekonomskom kodu 414300 JAN 028, 041 (Ministarstvo finansija) – Transfer neprofitnim organizacijama - Udruženja građana umjesto prijedlogom planiranih 80.000 KM, iznos umanjiti na 10.000 KM.

Obrazloženje:

Podržavam rad organizacija civilnog društva i udruženja građana kao njenog djela. Smatram da su sredstva u iznosu od 10.000,00 KM za ovu namjeru sasvim dovoljna, uzimajući u obzir ukupnu socio-ekonomsku situaciju u Državi BiH i Kantonu Sarajevo.

Neracionalnim se čini Prijedlog da Ministar finansija Kantona Sarajevu može odabrati projekte za finansiranje projekta udruženja građana čiji projekti, programi i aktivnosti nisu vezani za oblast iz nadležnosti drugih ministarstava" u iznosu od 80.000 KM, a istovremeno npr. djeca u vrtićima JU "Djeca Sarajeva" nemaju dovoljno papira i olovaka za edukaciju.

Stav predlagača:

Amandman se ne prihvata.

O b r a z l o ž e n j e

Amandman je nepotpun jer se ne predlaže povećanje drugih rashoda i izdataka sa koje će se ova sredstva koristiti.

Ministarstvo finansija je u 2015. godini već izvršilo određeno smanjenje ove pozicije.

4. Na 26. sjednici održanoj 28.12.2015. godine Vlada Kantona Sarajevo razmatrala je i utvrdila amandmane na Prijedlog Budžeta Kantona Sarajevo za 2016. godinu, te podnosi sljedeće:

4.1. U okviru Skupština Kantona Sarajevo, poslanici i parlamentarne grupe:

Amandman I

U okviru Skupština Kantona Sarajevo, poslanici i parlamentarne grupe:

- Uvidom u Prijedlog budžeta Kantona Sarajevo za 2016.godinu kod budžetskog korisnika 10010001 - Skupština Kantona Sarajevo, poslanici i parlamentarne grupe konstatovali smo grešku kod broja zaposlenih. Umjesto 27 treba da piše 28 zaposlenih.

Amandman II

4.2. Na poziciji Ministarstva komunalne privrede i infrastrukture:

- ekonomski kod 614300 subanalitika WAN002-Sufinansiranje azila za pse-Prača, briše i da se otvori nova stavka pod nazivom: «Obezbjedenje sredstava za prihvatilište pasa lotalica» te da se odobreni iznos sredstava prebaci na novu stavku.
- sa ekonomskog koda 614400 subanalitika WAO003-KJKP» RAD» Sarajevo, pozicija «Nabavka mehanizacije za pražnjenje kontejnera» prebaci na ekonomski kod 615400 te da se otvori nova stavka pod istim imenom i da se sredstva sa postojeće stavke prebace na novu.

- sa ekonomskog koda 614400 subanalitika – nova pozicija «Studija izvodljivosti sanacije i rekonstrukcije vodovodne mreže» u okviru KJKP «Vodovod i kanalizacija» prebaci na ekonomski kod 615400 te da se otvori nova stavka pod istim imenom i da se sredstva sa postojeće stavke prebace na novu.

Amandman III

4.3. Kapitalni transferi

- sa ekonomskog koda 615400 subanalitika WAU007- KJKP «Pokop» d.o.o., pozicija «Uređenje gradskog groblja Vlakovo sa rješavanjem IPO» umanjuje za 150.000 KM te da se sredstva u iznosu od 150.000 KM prebace na novootvorenu stavku pod nazivom «Otkup zemljišta na gradskom groblju Vlakovo».

Amandman IV

• Sa budžetske organizacije 14010001 Ministarstvo saobraćaja, ekonomski kod 615300, subanalitika EAU087 Izgradnja i rješavanje imovinsko pravnih odnosa na primarnim gradskim saobraćajnicama umanjuje se iznos od 100.000 KM i ekonomski kod 615400 subanalitika EAU088 Program restrukturiranja KJKP GRAS d.o.o. Sarajevo umanjuje se iznos od 100.000 KM, a povećavaju se sljedeće pozicije:

- 22010001 Ministarstvo kulture i sporta, ekonomski kod 614300, subanalitika MAN0E3 Jazz fest povećava se iznos za 20.000 KM

22010001 Ministarstvo kulture i sporta, ekonomski kod 614300, otvara se nova pozicija „Troškovi pripreme reprezentacije za Košarkaško prvenstvo u Španiji“ i dodaje iznos 50.000 KM

22010001 Ministarstvo kulture i sporta, ekonomski kod 614300, otvara se nova pozicija „Olimpijada u sjedećoj odbojci“ i dodaje iznos 50.000 KM

11010001 Kabinet Premijera, ekonomski kod 613900, otvara se nova pozicija „Izrada projektne dokumentacije za Spomenik ženi“ i dodaje iznos 5.000 KM

19010001 Ministarstvo finansija, ekonomski kod 614300, subanalitika JAN028, povećava se iznos za 20.000 KM

23010001 Ministarstvo za rad, socijalnu politiku, raseljena lica i izbjeglice, ekonomski kod 614300, dodaje se nova pozicija u okviru udruženja građana „Udruženje radost života“ i dodaje iznos od 10.000 KM

22010001 Ministarstvo kulture i sporta otvara se nova pozicija 613400 Gorska služba spašavanja 21.000 KM

23010001 Ministarstvo za rad, socijalnu politiku, raseljena lica i izbjeglice, ekonomski kod 614300, dodaje se nova pozicija u okviru udruženja građana Civilne žrtve rata i dodaje iznos 20.000 KM

- Unutar razdjela 20010001 Ministarstvo zdravstva na 614300 otvara se nova pozicija “Podrška organizaciji naučno istraživačkih skupova” u iznosu 15.000 KM, a umanjuje se pozicija unutar razdjela 11010001 Kabinet Premijer 614300 BAN002 Opština Srebrenica - pokroviteljstvo obilježavanja 11. juli 15 godišnjica genocida nad Bošnjacima Srebrenice "Sigurne zone UN-a) za iznos 15.000 KM
- Unutar razdjela 34010001 Ministarstvo komunalne privrede i infrastrukture sredstva na poziciji 614400 WAO003 KJKP Rad – Pranje umanjuju se za 60.000 KM, a uvećava se pozicija 614400 WAO012 JKP Trnovo.

- Unutar razdjela 13010001 Ministarstvo za boračka pitanja sredstva na poziciji 614200 DAM019 Sredstva za mjesečni dječiji dodatak za djecu RVI-da 20-80% umanjuju se za 10.000 KM, a otvara se nova pozicija u okviru 614200 „Transfer za podsticaj zapošljavanja branilaca i članova njihovih porodica“ i dodaje iznos od 10.000 KM.

5. Vlada Kantona Sarajevo utvrđuje i podnosi Amandman na Zakon o izvršavanju Budžeta Kantona Sarajevo za 2016. godinu, kako slijedi:

Amandman I

U Zakonu o izvršavanju Budžeta Kantona Sarajevo za 2016.godinu u članu 25. stav 5. iznos „12.000.000,00 KM“ zamjenjuje se iznosom „28.000.000,00 KM“.

O b r a z l o ž e n j e

Ovim Amandmanom se traži izmjena člana 25. stav. 5 Prijedloga zakona o izvršavanju Budžeta Kantona Sarajevo za 2016. godinu radi povećanja iznosa dugoročnog zaduženja Kantona Sarajevo u 2016. godini kod ino kreditora, u odnosu na Prijedlog zakona za 16.000.000,00 KM radi realizacije idejnog projekta Novog vertikalnog transporta - žičare na tranši trosjeda na Bjelašnici, te bi ukupno zaduženje Kantona Sarajevo u 2016. godini iz ino kredita iznosilo 28.000.000 KM.

P R E M I J E R

Elmedin Konaković

Dostaviti:

1. Predsjedateljica Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Evidencija
5. A r h i v a



web: <http://vlada.ks.gov.ba>
e-mail: premijer@ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

